

19 JUL 1996

AGONG HANTAR PERUTUSAN TAHNIAH KEPADA PRESIDEN COLOMBIA

KUALA LUMPUR, 19 Julai (Bernama) -- Yang di-Pertuan Agong Tuanku Ja'afar mengutuskan perutusan tahniah kepada Presiden Colombia Dr Ernesto Samper Pizano sempena Hari Kemerdekaan ke-186 republik itu.

Tuanku Jaafar dan Raja Permaisuri Agong Tuanku Najihah mengharapkan Presiden Pizano sentiasa sihat dan Colombia terus membangun dan makmur di bawah pimpinannya.

Perdana Menteri Datuk Seri Dr Mahathir Mohamad, dalam perutusan serupa kepada Presiden Pizano, berkata beliau percaya terdapat prospek untuk mengukuhkan hubungan dua hala dan berharap dapat bekerjasama untuk memperluaskan hubungan kedua-dua negara pada masa akan datang.

Menteri Luar Datuk Abdullah Ahmad Badawi, dalam perutusannya kepada rakan sejawatannya Maria Emma Mejia, berkata beliau yakin hubungan dua hala akan terus berkembang dan berharap dapat bekerjasama dengan Mejia dalam arena antarabangsa terutama dalam Pergerakan Berkecuali (NAM). -- BERNAMA

ES NAK